

春天佇佗位

黃靜雅

春天佇佗位 我去問花蕊
花蕊講伊才睏醒 叫我去問露水
春天佇佗位 我去問露水
露水講伊咧曝日 叫我問白鴿鷺
春天佇佗位 我問白鴿鷺
白鴿鷺講水牛咧等伊 叫我去問貓咪
春天佇佗位 我去問貓咪
貓咪一直哈唏 繼咧閣洗面
叫我去問阿弟 春天佇佗位
我去問阿弟 阿弟目睷笑微微
原來春天佇遮覘

秀才秀才騎馬弄弄來

唸謠

秀才秀才 騎馬弄弄來
佇馬頂跋落來 跋一下真厲害
喙齒疼 糊下頰 目睷疼 糊目眉。
腹肚疼 糊肚臍 嘿真厲害

佇馬頂跋落來，跋一下真厲害
喙齒疼，糊下頰。
目睷疼，糊目眉。腹肚疼 糊肚臍。
嘿真厲害

樣仔開花

林春吉

樣仔樣仔 咧開花 親像暗暝 放煙火
紅花黃花 真拼勢 爭奇鬥艷 袂歹勢
樣仔樣仔 花真嬌 親像姑娘 人合意
妖嬌美麗 有人氣 採花蜂仔 上歡喜
樣仔樣仔 花真嬌 請恁毋通 共伊催
時間若到 花就開 上麻吉的 是春天
樣仔樣仔 咧開花 親像暗暝 放煙火
人講開花 滿天芳 結果若濟 才驚人

十二生肖

唸謠

一鼠賊仔名 二牛駛犁兄
三虎 peh 山坪 四兔遊京城
五龍皇帝命 六蛇予人驚
七馬走兵營 八羊食草嶺
九猴 peh 樹頭 十雞啼三聲
十一狗顧門埕 十二豬菜刀命